

**No. B. 13021/101/2020-DMR/Vol-VII
GOVERNMENT OF MIZORAM
DISASTER MANAGEMENT & REHABILITATION DEPARTMENT**

Dated Aizawl, the 31st March, 2022

ORDER

Mizoram-a COVID-19 hri leng mek dinhmun chu State Disaster Management Authority chuan a thlirlet reng a, kar liam ta hun engemaw atang khan Covid-19 dinhmun hian ziaawm lam a pan hret hret niin hriat a ni.

Chutiang a nih tak avang leh India ramah pawh Covid-19 dinhmun a lo ziaawm zel bawk avangin eizawna leh mihring nunphung nghawng nasa lo zawnga hma lak chhonzawm a nih theih nan Mizoram chhunga COVID-19 hri darh zel tur venna atana inkhuahkhirhna awm mek hi thlahdul hret tula hriat a ni a;

Chuvangin, kei Dr. Renu Sharma hian Chairman, State Executive Committee ka nihna ang leh Disaster Management Act, 2005 hnuaia Section 22(2)(h) & 24 (l)-in thuneihna min pek angin a hnuaia inkaihhraina tarlante hi thuleh awm hma atana hman nghal turin ka chhuah e:

A. MIZORAM PUMA HMAN TUR INKAIHHRUAINA

1. Hemi hun chhung hian tul lova pawn chhuah leh inlenpawh loh hram ni se.

2. Deputy Commissioner ten tualchhung dinhmun leh a tul dan azira *Health & Family Welfare Department*-in Covid-19 hrileng laka invenna tur inkaihhraina '*Operational Guideline for Containment and Surveillance Plan of Covid-19*' a chhuah thin te chu uluk taka kenkawh a nih theih nan hma an la tur a ni.

3. School leh zirna in dangte

- 1) School leh hostel te chu academic session thar, ni 5 April, 2022 atangin an hawng thei ang.
- 2) School leh Hostel chhunga hman tur School Department-in Standard Operating Procedure (SOP) a chhuah chu tha taka zawm tur a ni a. Zirtirtute, hnathawk dangte leh zirlai ten vaccine an lak vek theih nan hma a la ang.
- 3) Anganwadi leh Creche Centre te hawn theih a ni ang a, Social Welfare Department-in Standard Operating Procedure (SOP) a chhuah chu tha taka zawm tur a ni. Anganwadi worker te leh hnathawk dang ten vaccine an lak vek theih nan hma a la bawh ang.

4. Higher Education Institutions

- 1) Higher Education Institutions (Universities, Colleges, Technical & Professional Institutions)-a Final semester zirlaite leh Department of HAMP, MZU hnuaia Ph.D course work zirlaite tan class leh hostel hawn phal a ni.

- 2) Higher Education Institutions (Universities, Colleges, Technical & Professional Institutions)-a Practical Subject student (UG&PG) te tan practical class leh hostel te chu April ni 1, 2022 atangin hawn phal a ni.
- 3) Semester zawng zawng chu Higher & Technical Education Department ruahmanna in CAB uluk taka zawm chungin, academic Session July, 2022 a tan tur atangin offline class a hawn phal a ni ang.
- 4) Hemi atana hman tur SOP chu Higher & Technical Education Department-in a ruahman ang a. Zirtirtute, hnathawk dangte leh zirlaiten vaccine an lak vek theih nan hma a la ang.

5. Sakhaw Biak In leh Inkhawm

- 1) Kohhran Inkhawm pangngai chhun leh zanah neih phal a ni a, zing inkhawm pawh phal a ni.
- 2) Chhun leh zanah inkhawmpui neih phal a ni. CAB uluk taka zawm ni se. Kohhran leh LLTF/ VLTF ten CAB/SOP Implementation Committee an din ang.
- 3) Deputy Commissioner te thurawn ngaichang chungin, Kohhran te chu an veng/khua theuh va Covid- 19 hrileng dinhmun ngun taka thlithlai reng turin beisei an ni.
- 4) Inkhawmna leh Inkhawmpuih te hian ruai buatsaih loh ni thei se.

6. Inneih inkhawm leh Mitthi Vuina

Inkhawm neihna hmun inchung (indoor)-a leng zat chanve (50% seating capacity) aia tam lovin phal a ni a, a theih chin chinah ei leh in sem loh ni se.

7. Sports inelna, tournament, adt.

Sports inelna, tournament, adt. (indoor & outdoor) te chu phal a ni a, indoor bikah chuan entu mipuite chu infiamna hmun-a leng zat chanve (50% seating capacity) aia tam lova punkhawm phal a ni.

8. Mipui punkhawm

National/ State/ District level programme pawimawh, Mipui punkhawm-anniversary, birthday, adt. chu a hmun inchung (indoor)-a leng zat chanve (50% capacity) tum khata punkhawm phal a ni.

9. Office hrang hrang:

- 1) Mizoram Sawrkar Office hnathawkte chu dan pangngaiin office an kai ang.
- 2) Mizoram Legislative Assembly Secretariat chuan an kal dan tur an ruahman ang.
- 3) Central Sawrkar office te leh Central PSU te chu Central Sawrkar thuchhuak angin an kal ang.
- 4) Gauhati High Court (Aizawl Bench) leh a hnuai Court te chu High Court-in ruahmanna a siam angin an kal ang.

- 5) Kohhran/sakhaw hrang hrang office leh Private company/ office - consultancy services, adt. hnuai hnathawkte chu dan pangngaiin office an kai ang.

10. Activity dang zawng chu CAB khauh taka kengkawh chungin phal vek a ni.

B. THIL PAWIMAWH DANGTE

1. Aizawl khawpuia lirthei tlan dan

Aizawl khawpuia lirthei tlan dan chungchangah chuan intlanhhawk thin dan pangngai angin SP (Traffic)-in ruahmanna a siam.

2. Vaccination

Mipui vantlang kan lo him zawk nan COVID-19 vaccine la la lo zawng zawng (target group)-te chu Sawrkar-in a thlawna vaccine lakna a ruatah te a hma thei ang bera vaccine la tura ngen leh beisei an ni. Deputy Commissioner ten an District theuhvah mipui ten vaccine dose hnih an lak ngei theihna turin theihtawpin hma an la ang.

3. Zin veivah chungchang leh rampawn atanga Mizoram luh

Zin veivah chungchang leh airport-a screening chungchanga inkaihhraina te chu Health & Family Welfare Department, Government of Mizoram-in thuchhuah thar a siam thin dungzuia kalpui zel tur a ni.

4. Veng/Khaw Bil Inkhuahkhirhna

- 1) LLTF/VLTF ten he Order-ina inkhuahkhirhna a siam bak pelin anmahni thuin veng/ khaw bil inkhuahkhirhna hranpa curfew/ lockdown/ Containment Area/ Restricted Area an puang tur a ni lo.
- 2) He order/inkaihhraina-in a huam baka veng/khaw bil bik tana inkhuahkhirhna khauh zawk neih tul tihna a awm chuan, a chhan leh vang chiang taka ziakin LLTF/VLTF ten an awmna District Deputy Commissioner hnenah rawtna an siam thei ang.
- 3) Kawngpuuin a paltlang khua/veng ten an khaw/veng kaltlanga khaw/veng danga kal tur zin veivak te leh an lirthei an dang tur a ni lo.

5. Emergency contact number

Tu pawhin harsatna an tawh thulhah State Control Room (Toll free 1070, landline 0389-2342520, mobile 7628072785 leh whatsapp 9366331931) leh COVID-19 (Medical) helpline number (Toll free 102, landline 0389-2323336, 0389- 2322336 leh 0389-2318336)-ah telephone-in an harsatnate an thlen thei ang. Heng number te hi entry point apiangah langsar taka tar thin tur a ni.

C. CAB KENKAH CHUNGCHANG

1. Covid-19 hri laka kan himna tur atan mitin hian tih tur pawimawh tak kan nei theuh va. Chung tih tur leh zawm tur COVID Appropriate Behaviour (CAB) te chu Annexure-ah tarlan a ni a, mitinin zawm theuh tur a ni.

2. Sakhaw biak in, inneih inkhawmna hmun, mitthi vuina, sports inelna leh mipui punkhawmna hmun dangah te a bik takin hmui-hmai tuam hi zaiho leh mi zinga thusawi changin tha taka zawm tur a ni.
3. Mipui punkhawmna hmun, sakhaw biakna hmun leh puipunna dangahte chuan tha taka 'Social distancing' zawm tur a ni.
4. Activity hrang hrangahte hian hrileng laka kan him nan a mawhphurtu ten CAB/SOP uluk taka zawm a nih theih nan hma an la ang.
5. Office, dawr, hnathawhna hmun leh a chhehvel tihthianghlim leh faina kawngah a hmun enkawltu, thuneitu leh dawr neitu ten mawh an phur ang. Beauty parlour, spa, gym leh lu mehna dawr (Hair cutting salons/ Barber shops)-tea hmanrua leh bungraw hman ngun bikte chu uluk taka tihthianghlim (sanitize) reng tur a ni.

D. INKHUAHKHIRHNA LEH HREMNA CHUNGCHANG

He thupek zawm lote chu Disaster Management Act, 2005, Section 51 atanga 60 leh the Mizoram (Containment & Prevention of the spread of COVID-19) Act, 2020 leh IPC Section 188 hmangin hrem theih an ni.

Sd/- Dr. Renu Sharma
Chief Secretary, Mizoram & Chairman,
State Executive Committee,
State Disaster Management Authority, Mizoram.

Memo No.B.13021/101/2020-DMR/Vol-VII : Aizawl, the 31st March, 2022
















Copy to:

1. Secretary to the Governor, Mizoram.
2. Additional Chief Secretary to the Chief Minister, Mizoram for information.
3. P.S. to Deputy Chief Minister, Mizoram
4. P.S. to Speaker/ Ministers/ Ministers of State/Deputy Speaker/ Vice-Chairman, SPB/Deputy Govt. Chief Whip, Mizoram.
5. Home Secretary, Government of India, North Block, New Delhi-110001.
6. Sr. P.P.S to Chief Secretary, Govt. of Mizoram.
7. All Administrative Heads of Departments, Government of Mizoram.
8. Director General of Police, Mizoram.
9. Commissioner & Secretary, Mizoram Legislative Assembly.
10. Secretary of all Constitutional & Statutory Bodies, Mizoram.
11. All Deputy Commissioners, Mizoram.
12. All Superintendents of Police, Mizoram.
13. Director, I&PR for wide publicity.
14. All Chairpersons, LLTF/VLTF.
15. Controller, Printing & Stationery with 5 (five) spare copies for publication in the Mizoram Gazette.
16. Guard File.


(LALTANPUIA HNAMTE)

Deputy Secretary to the Govt. of Mizoram,
Disaster Management & Rehabilitation Department.

A set of 15 promises, we need to follow, as part of COVID Appropriate Behaviours

<p>1.  Greet without physical contact</p>	<p>2.  Maintain physical distance 2 Gaj ki Doori (6 feet)</p>	<p>3.  Wear reusable face cover or mask</p>
<p>4.  Avoid touching eyes, nose and mouth</p>	<p>5.  Maintain respiratory hygiene</p>	<p>6.  Wash hands frequently and thoroughly</p>
<p>7.  Do not chew tobacco, khaini etc. or spit in the public places</p>	<p>8.  Regularly clean and disinfect frequently touched surfaces</p>	<p>9.  Avoid unnecessary travel</p>
<p>10.  Do not discriminate against anyone</p>	<p>11.  Discourage crowd - Encourage Safety</p>	<p>12.  Do not circulate social media posts which carry unverified or negative information</p>
<p>13.  Seek information on COVID-19 from credible sources</p>	<p>14.  Call National Toll-free helpline 1075 or State helpline numbers for any queries</p>	<p>15.  Seek psychosocial support for any stress or anxiety</p>